

欽定戶部則例

第 兩

目錄

74
6643
46



74
6643
46



欽定戶部則例卷八十四

蠲卹二

恩蠲災蠲事例

查勘災賑事例 士商捐賑附

稽查災民事例

撫卹冲淹事例 失火延燒附

督捕蝗蝻事例

蠲卹

目錄

<99-1243>

欽定戶部則例卷八十四

蠲卹一

恩蠲災蠲事例

雍正十三年十一月奉

上諭朕臨御以來加惠元元將雍正十二年以前各省民欠錢糧悉行寬免誠以民為邦本治天下之道莫先於愛民愛民之道以減賦蠲租為首務也惟是輸納錢糧多由業戶則蠲免之典大概業戶邀恩者居多彼無業窮民終歲勤動按產輸糧未被國家之恩

同治十三年校刊

戶部則例卷八十四

蠲卹

一

尙非公溥之義若欲照所蠲之數履畝除租繩以官法則勢有不能徒滋紛擾然業戶受朕惠者尙十捐其五以分惠佃戶亦未爲不可近聞江南已有嚮義樂輸之業戶情願蠲免佃戶之租者閭閻興仁讓之風朕實嘉悅其令所在有司善爲勸諭各業戶酌量寬減彼佃戶之租不必限定分數使耕作貧民有餘糧以贍妻子若有素封業戶能善體此意加惠佃戶者則酌量獎賞之其不願者聽之亦不得勉強從事此非指修公項之比有司當善體朕意虛心開導以

與仁鑲而均惠澤若彼刁頑佃戶藉此觀望遷延則仍治以抗租之罪朕視天下業戶佃戶皆吾赤子恩欲其均也業戶霑朕之恩佃戶又得拜業戶之惠則君民一心彼此體卹以人和感召

天和行見風雨以時屢豐可慶矣欽此

乾隆三十六年奉

上諭各直省普蠲錢糧向當蠲免之年適遇災歉卽不復再議重蠲此固恩無屢邀之理第念甘肅省地瘠民貧兼以連歲歉收與他省情形迥異而各州縣得

兩較遲處所因地氣早寒不能補種現已降旨令該督查明照秋災之例賑卹撫綏務俾得所但本年正屆該省輪免正供所有成災州縣按分數議蠲之項已概其中朕念切民瘼茲時加恩將該省本年錢糧普行蠲免外其因災議蠲各州縣著展至明年補行按分酌免該督其董率各屬悉心經理使窮簷均得倍沾實惠以副朕軫念邊氓有加無已之至意該部遵諭速行欽此

乾隆五十五年奉

上諭今歲朕屆八旬壽辰敷錫兆民普天臚慶特降恩旨將乾隆五十五年各直省應徵錢糧通行蠲免農民等皆可均沾惠澤因思紳衿富戶田產較多之家皆有佃戶領種地畝按歲交租今業主既概免徵輸而佃戶仍全交租息貧民未免向隅應令地方官出示曉諭各就業主情願令其推朕愛民之心自行酌量將佃戶應交地租量予減收亦不必定以限制官爲勉強抑勒務使力作小民共享盈寧之樂以副朕孚惠閭閻廣宣湛闔至意欽此

嘉慶十六年奉

上諭御史楊擇曾奏請嚴申停徵蠲免事宜一摺向來各省偶遇水旱偏災由該督撫報明分數降旨分別蠲緩其各省蠲免以奉旨之日爲始奉旨之後部文未到以前已輸在官者准作次年正賦惟奉旨日期以及蠲免分數村野小民無由周知而不肖官吏藉以因緣爲奸或於部文未到之前催比更急私圖肥己且有奸猾書吏復藉墊納加倍索償等情及各督撫頒示恩旨通諭各州縣尙有隱匿不急爲懸掛者嗣

後著各督撫嚴飭令各州縣遇恩旨頒到之日卽將奉旨日期遍行曉諭並刊刷實徵額冊串票等註載明曉俾小民得知蠲免分數官吏無從欺隱務期實惠及民以副朕愛育黎元之至意將此通諭知之欽此

嘉慶十九年奉

上諭孫世昌奏清釐緩徵一摺朕軫念民依偶遇地方水旱偏災無不立沛恩施分別蠲緩其緩徵一節原爲小民生計艱難未能按期輸納是以量予展緩俾

同治十三年校刊

戶部則例卷八十四

四

民力得以稍紓乃督撫藩司不能仰體朕意任令地方官輾轉延擱催徵挪用迨屆應徵之期又復多方掩飾捏稱民欠是以官侵吏蝕恣飽慾壑使朝廷澤不下逮職此之由嗣後各省遇有被災緩徵處所該督撫一經接奉恩旨卽飭知藩司勒限行知該州縣騰黃曉示俾小民及早周知該藩司密行查訪勿任不肖官吏得以舞弊倘有任意延擱私自催徵者立卽嚴察究辦至漕米令民赴倉完納錢糧令民自封投櫃本係定例務各實力奉行將里書糧班盡東嚴行禁革以除積弊將此通諭知之欽此

一恭遇蠲免錢糧以奉

旨之二為始其奉

旨以後文到以前已輸在官者准流抵次年應完正

賦若官吏朦混隱匿照侵盜錢糧律治罪

一恭遇

聖駕巡幸奉免經過地方錢糧者直隸山東山西等

省恭按

御道兩旁地畝丈算山岸河坎窄狹處所以二里為

限曠野平原處所以三里為限限內地畝錢糧恭照

恩旨指蠲分數蠲免奉天河南江南浙江等省不分界限地數按經過州縣額徵地丁錢糧之數統算或蠲拾分之叁或蠲拾分之伍臨時候

旨遵行

一恭遇

覃恩詔款內有豁免舊欠錢糧條款者其民欠漕項

蘆課學租雜稅各項錢糧一體豁免

一恭遇

特恩蠲免正賦之年應徵耗羨緩至開徵之年按數

併納災蠲耗羨詳另條

一地方積欠錢糧恭奉

恩旨指蠲自某年至某年者其扣蠲截數仍以已入奏銷之數為準若未入奏銷者不得統作積欠蠲免

一災蠲及蒙

恩指蠲分數錢糧該管官奉蠲之後遵照出示曉諭

戶部具例卷之四
刊刻免單按戶付執並取具里長甘結詳請
咨送部科察覈若不給免單或給而不實該
官吏均以違

旨計贓論罪胥役需索按律嚴究失察官議處

一凡遇蠲免錢糧年分令各該州縣查明應徵
應免數目預期開單申繳藩司細加覈定發
回刊刻填給各業戶收執仍照單開各款大
張告示遍貼曉諭以昭慎重

一凡水旱成災地方官將災戶原納地丁正賦
作為拾分按災請蠲被災拾分者蠲正賦拾
分之柒被災玖分者蠲正賦拾分之陸被災
捌分者蠲正賦拾分之肆被災柒分者蠲正
賦拾分之貳被災陸分伍分者蠲正賦拾分
之壹山西省未經攤徵之丁銀及無地災戶
丁銀統隨地糧應蠲分數一律請蠲於蠲免
冊內分款造報奉天省被災丁銀按
成災分數分年帶徵
一勘明災地錢糧勘報之日即行停徵所停錢
糧係被災拾分玖分捌分者分作三年帶徵

係被災染分陸分伍分者分作二年帶徵其
伍分以下不成災地畝錢糧有奉

旨緩徵及督撫題明緩徵者緩至次年麥熟以後其
次年麥熟錢糧遞行緩至秋成若被災之年
深冬方得雨雪及積水方退者該督撫另疏
題明將應緩至麥熟以後錢糧再緩至秋成
以後新舊並納

一直省成災五分以上州縣中之成熟鄉庄應
徵錢糧准其一體緩至次年秋成後徵收

一凡災蠲地丁正賦之年其隨徵耗羨銀兩按
照被災分數一律驗蠲

一民田內應徵漕糧及漕項銀米被災之年或
應分年帶徵或與地丁正耗錢糧一律蠲免
該督撫確核具題請

旨定奪

一州縣衛所官奉蠲錢糧或先期徵存不行流
抵或既奉蠲免不爲扣除或故行出示遲延
指稱別有徵款及難爲扣除而不及蠲額者

戶部則例卷之四
均以侵欺論罪失察各上司俱分別查議

一直隸省旗租除被災蠲免原有定例及恭逢特旨指明旗租准蠲幾分俱應欽遵辦理外其恭遇巡幸經過地方旗租應隨民地請蠲及奉

旨准蠲旗租並未指明分數者概以叁分爲率如民賦蠲免在叁分以外旗租亦止准蠲拾分之叁不得再加民賦蠲免在叁分以內旗租卽照民賦分數蠲免不得再減

一入官旗地被災該管官將災戶原納租銀作爲拾分按災請蠲被災拾分者蠲原租拾分之伍被災玖分者蠲原租拾分之肆被災捌分者蠲原租拾分之貳被災柒分者蠲原租拾分之壹被災陸分以下不作成災分數其原納租銀槩緩至來年麥熟後啟徵

一江蘇省吳縣公田壹萬貳千伍百餘畝額徵餘租米石如遇歉收之年准其照民田之例勸明災分同該縣正賦一律蠲緩

查勘災賑事例 士商捐賑附

一地方遇有災傷該督撫先將被災情形日期

飛章題報夏災限六月終旬秋災限九月終

旬甘肅省地氣較遲夏災不出
七月半秋災不出十月半題後續被災

傷一例速奏仍一面題報情形一面於知府

同知通判內遴委委員 沿河地方兼委河員 會同該州

縣迅詣災所履畝確勘將被災分數按照區

圖村莊逐加分別申報司道該管道員覆行

稽查加結詳請督撫具題儻或刪減分數嚴

加議處其勘報限期州縣官扣除程限定限
肆拾日上司官以州縣報到日爲始定限伍
日統於肆拾伍日內勘明題報如逾限半月
以內遞至三月以外者分別議處上司屬員
一例處分

一州縣勘報續被災傷分數除旱災以漸而成
仍照肆拾日正限勘報外其原報被水被霜
被風災地續災較重距原報情形之日在拾
伍日以外者准於正限外展限貳拾日勘報
距原報情形之日未過拾伍日者統於正限
內勘報請題不准展限若已過初災勘報正
限之後續被重災准另起限期勘報

一委員協勘災務不據實勘報扶同具結者與
本管官一例處分其勘災道府大員不親往
踏勘祇據印委各官印結率行加結轉報者
該督撫題叅

一遇災傷異常之地責成該督撫輕騎減從親
往踏勘將應行賑卹事宜一面奏聞如濫委

屬員貽誤滋弊及聽從不肖有司違例供應者嚴加議處凡督撫親勘災地係督撫同城省分酌留一員彈壓係督撫專駐省分酌留藩臬兩司彈壓

一地方報災之後該管官若將所報災地留待勘報分數不令趕種致誤農時者上司屬員一例嚴加議處

一凡地方被災該管官一面將田地成災分數依限勘報一面將應賑戶口迅查開賑另詳請題若災戶數少易於查察者即於踏勘災田限內帶查併報

一民田秋月水旱成災該督撫一面題報情形一面飭屬發倉將乏食貧民不論成災分數

均先行正賑壹箇月

盛京旗地官莊地及站丁被災各先借壹箇

月口糧即於加賑月分內扣除不作正賑民地被災正賑例與直省同仍於肆

拾伍日限內按查明成災分數分晰極貧次

貧具題加賑

盛京旗地官莊地及站丁被災加賑均不論極貧次貧被

災拾分者極貧加賑肆箇月次貧加賑叁箇

月 盛京旗地官莊地被災拾分者加賑被
伍箇月站丁被災拾分者加賑玖箇月

災玖分者極貧加賑叁箇月次貧加賑兩箇

月 盛京旗地官莊地被災玖分者加賑被
伍箇月站丁被災玖分者加賑玖箇月

災捌分柒分者極貧加賑兩箇月次貧加賑

壹箇月 盛京旗地被災捌分柒分者加賑
肆箇月官莊地被災捌分者加賑伍

箇月被災柒分者加賑肆箇月站
丁被災柒分者加賑玖箇月 被災陸分

者極貧加賑壹箇月 盛京旗地被災陸分
者加賑叁箇月官莊地

被災陸分者加賑肆箇月站
丁被災陸分者加賑陸箇月 被災伍分者准

酌借來春口糧 盛京旗地官莊地被災伍
分者加賑叁箇月站丁被災

伍分者加 應賑每口米數大口日給米伍合
賑陸箇月

小口貳合伍分按日合月小建扣除
旗地官

莊地站丁災賑米數大口月給米貳斗伍
升小口減半民地災賑米數例與直省同

米兼給穀則倍之貧生饑軍各隨坐落地方

與賑 江南省災地營兵本身及家
閑散貧民 口在三口以內者不准與賑

同力田災民一體給賑聞賑歸來者並准入

冊賑卹貧生賑糧由該學教官散給災民賑

糧由州縣親身散給州縣不能兼顧該督撫

委員協同辦理凡散賑處所在城設廠之外

仍於四鄉分廠其運米脚費同賑濟銀米事
竣一體躉銷若賑畢之後間遇青黃不接仍
准該州縣詳請平糶或酌借口糧其有連年
積歉及當年災出非常須於正賑加賑之外
再加賑卹者該督撫臨時題請

一民田夏月風雹旱蝗水溢成災若秋禾播種
可望收成者統俟秋穫時確勘分數另行辦
理其佈種較晚必需接濟者酌借籽種口糧
秋後免急還倉若播種止有一季夏月被災
卽照秋災例辦理其播種兩季地方既破夏

災不能復種秋禾者亦卽照秋災例辦理

浙江二省水冲田禾每畝給籽粒銀壹錢沙
淤石壓每畝給修復銀貳錢 湖南省水冲
田禾每畝給修復銀貳錢 廣東省水冲沙
壓田地每畝給賑銀伍分 廣西省沙壓田
禾須挑挖補種者每畝給賑銀叁錢穀伍斗
水浸田禾尚可修復者每畝借給穀伍斗
畝被中不能修復者計口賑銀每大口銀叁
錢小口銀貳錢按畝賑穀每畝穀伍斗 雲
南省水冲田地每畝給挑培銀叁
錢沙壓田地每畝給挑培銀貳錢

一州縣散賑責成該管道府監察如州縣辦理
不實不力致有遺漏累及災民者揭報該督

撫以不職題叅其協辦賑務正佐官扶同捏結與本管官一例處分若道府不親往督查率據州縣印結加結申轉者該督撫指名題叅

一地方遇有賑卹該管官將所報成災分數應賑戶口月分先期宣示及賑畢再將已賑戶口銀米各數覆行通諭若宣示不實賑濟亦無遺濫而奸民藉端要挾請賑者依律究擬

一凡折賑米價有奉

恩旨加增折給者以奉

旨之日為始其奉

旨以前乃按定價折給事竣分晰日期報銷直隸省貧民折

賑每米壹石定價銀壹兩貳錢貧生折賑每米壹石定價銀壹兩
折賑每米壹石定價銀壹兩貳錢每穀壹石定價銀陸錢
山東江蘇安徽湖北湖南甘肅雲南七省折賑每米壹石定價壹兩每穀壹石定價伍錢
山西省折賑每米壹石定價玖錢陸分
奉天省折賑每米壹石定價陸錢每穀壹石定價參錢
陝西省折賑每米壹石定價陸錢
福建省廣東廣西貳錢每穀壹石定價陸錢

四川貴州五省向不折賑

一凡災地應賑戶口應委正佐官分地確查親填入冊不得假手胥役其災戶內有貢監生員赤貧應賑者責成該學教官冊報入賑倘有不肖紳衿及吏役人等串通捏冒察出草究若查賑官開報不實或徇縱冒濫或挾私妄駁者均以不職叅治

一凡查勘地方災賑除現任正印及丞倅等官不准支給盤費外教職及縣丞佐雜候補試用等官俱按日支給盤費

山西福建二省所委員不支盤費

帶書吏跟役口糧雜費均一體支銷奉天省

經歷教職等官每員日給盤費銀叁錢准帶跟役貳名巡檢典史等官每員日給盤費銀壹錢伍分准帶跟役壹名凡跟役每名日給飯食銀伍分所查係大州縣准帶書役肆名中州縣准帶書役叁名小州縣准帶書役貳名凡書役每名日給飯食紙筆銀壹錢直隸省官每員日給盤費銀貳錢陸分陸釐有奇准帶書役肆名每員准設書役貳名衙役肆名斗級肆名每名日給飯食銀肆分給單造冊等項紙張每萬戶給銀柒兩陸錢柒分
山東省官每員日給銀壹錢跟役肆名有奇
每名日給銀陸分紙張筆墨等銀
按賑穀每壹千石給銀捌錢
山西省委員隨帶

同治十三年校刊

戶部則例卷之十四

三

書役人等每名日給飯食銀陸分查造冊籍
賑票等項需用紙張筆墨等銀事竣核實報
銷 河南省 佐雜教職等官每員日給盤費銀
壹錢隨帶承書壹名跟役壹名正

印官隨帶承書壹名跟役貳名每名均日給
飯食銀參分造冊紙張每千戶給銀陸分肆
釐賑票紙張每千戶給銀捌分肆釐 江蘇安
繕寫冊籍每千戶給飯食銀參分

徽二省 試用候補官每員日給盤費銀參錢
教職佐雜每員日給盤費銀壹錢試
用知縣佐雜教職官每員隨帶承書壹名正
印官帶跟役貳名佐雜官帶跟役壹名俱每

名日給盤費銀參分給單造冊紙張工費每
千戶給單費銀貳錢造冊每頁給銀貳釐
福建省 委員隨帶書役每名日給飯食銀貳
分雇倩繕書每名日給工雇筆資銀

伍分造冊筆墨紙 江西省 試用知縣佐雜教
張油燭核實報銷 職官每員日給盤
費銀壹錢每官壹員隨帶承書壹名正印官
帶跟役壹名佐雜官帶跟役壹名俱每名日

給盤費銀參分造冊紙張每千戶給銀陸分
分肆釐賑票紙價每千戶給銀捌分肆釐
江省 官每員日給飯食銀參錢貳分隨帶經書
給船錢貳錢隨從人役參伍名不等每名

錢飯食銀貳錢隨從人役參伍名不等每名
日給飯食銀參分船隻日給船錢飯食銀
貳錢散給銀木船所書役匠人俱照例支給

查造冊籍紙張於公費 湖南省 試用候補官
等銀內動用據實造銷 每員日給盤
費銀參錢教職佐雜每員日給盤費銀壹錢

善役每名日給飯食銀伍分給單造冊紙張
工費每千戶給單費銀貳 湖北省 官每員日
錢造冊每頁給銀貳釐 派委隣屬官員及
壹兩每州縣給造 陝西省 本州縣佐雜每官
冊紙張銀拾兩

同治十三年校刊

戶部員例卷八十四

蠲郵

七

壹員日給口食銀捌分隨帶書役工匠人等
每名日給口食銀肆分調委隔屬官員每官
壹員日支口食銀壹錢跟役每名日支口食
銀伍分官役每員名各給騎騾壹頭每頭每
百里給腳價銀貳錢查造冊籍印刷賑票包
封賑銀封袋等項所需紙張價值核實造銷
甘肅省官每員日給盤費銀壹錢跟役壹名
日給盤費銀伍分官役各給馱騾壹
頭每頭每百里
雲南省地方官及委員道府
給腳價銀貳錢州縣每員帶書辦貳
名差役參名馬夫壹名佐雜等官帶書辦壹
名差役壹名每名日給米壹京升鹽菜銀壹
分伍釐造冊所需紙筆飯食人工等項每冊
壹員共給銀壹分於司庫銅息銀內給發

一衛所屯田遇有災賑查明軍丁係隨田居住

即令該州縣會同該衛散給如有田在此州

縣而丁口居住彼州縣者即令彼州縣官會

同該衛查明戶口散給其銀由管轄該丁之

藩庫給領並令兩處州縣各造戶口細冊互

相移會查核以免重複放竣後仍由各州縣

會同該衛造冊詳送藩司核題

一京師五城每年十月初一日起至次年三月

二十日止按城設廠煮粥賑濟每城每日給

拾成稜米貳石柴薪銀壹兩每年開賑之初

由部先期題明知照都察院暨倉場衙門屆

期該巡城御史備具文領徑赴倉場衙門請領米石并赴部請領柴薪銀每日散賑由該

御史親身散給該都察院堂官不時稽察倘

有不肖官吏私易米色通同侵蝕者指名題

參每年用過銀米由五城報銷乾隆四十年

都察院照例具奏於閏十月朔開賑欽奉諭旨展於十月十五日開賑等因欽遵

案在

一直省省會地方照京師五城例冬月煮賑蘇江

省長州元和吳縣每歲歲底各設一廠煮賑豐年者賑壹箇月每歲加展壹箇月每大口

日需粥米貳合每小口日需粥米壹合每大小口肆拾口日需鹽菜壹觔每觔銷價銀壹

分每廠書役玖名每名日給飯米壹升每廠水火夫壹拾貳名每名日給工食米叁升每

用米壹石需薯糠壹拾柒掬每掬銷價銀玖釐每廠日需草一擔每擔銷價銀壹錢每廠

夜需燈油壹觔每觔銷價銀肆分伍釐每廠所需搭棚工料添備什物價銀隨時核實支

銷凡米石於鎮江府截漕贈米內動給銀兩於存公項下動給江西省城南昌新建每

歲歲底煮賑以肆伍拾日為率不論大小口每口日需粥米肆合每廠小夫貳拾名每日

共給食米壹斗所需米石於節備倉穀項下動給陝西省咸寧長安二縣每歲歲底東

西兩關設廠煮賑以壹月肆伍拾日為其或率所需銀米於道倉盈餘項下動給

夏秋被災較重例賑之外准於近城處所煮

粥兼賑

一甘肅省偶被偏災之區應於該年冬間出借
口糧者該督於九月內具奏應於次年春間
出借籽種口糧者於年前十一月內具奏款
收處所於青黃不接之時應酌借口糧者於
二月內具奏如計程不誤限期照常差人齎
遞倘民食孔亟准其由驛具奏倘州縣道府
詳報核轉遲延查明分別嚴叅

一張家口外各臺站馬駝遇災辦給官兵烏喇

齊生計南路每戶給騾馬壹匹乳牛壹隻母

羊伍隻北路每戶給騾馬貳匹乳牛貳隻母

羊拾隻均按價核折銀兩騾馬壹匹折銀陸兩乳牛壹隻折銀

肆兩母羊壹隻折銀伍錢分作四年在於應得錢糧內扣

交

一黑龍江所屬各城每年秋收後詳細確查具

奏以每田壹晌收糧柴石為拾分核計如收

成壹分至叁分者將額糧全行蠲免仍分別

接濟口糧除有俸官員及官員子弟並有業溫飽之戶無需接濟口糧外其筆

帖式以下及兵丁閒散內無力收成肆分者
以等分別大小口接濟日糧

蠲免額糧拾分之陸收成伍分者蠲免額糧
拾分之叁收成陸分以上概令滿交

一凡紳衿士民有於歉歲出資捐賑者准親赴
布政司衙門具呈不許州縣查報其本人所
捐之項並聽自行經理事竣由督撫核實捐
數多者題請議敘少者給與匾額若州縣官
抑勒派捐或以少報多濫邀議敘者從重議
處土豪胥吏於該戶樂輸時干涉漁利者依
律查究

一鹽商於地方偏災樂爲捐賑者聽其自便若
糾結公捐而暗增成本借名取償者查究失
察之該管官併予議處

一地方遇有災務係在伍分以下勘不成災其
中偶有一二村莊實應請緩該督撫務於飛
報情形時另摺聲敘并將何區何圖及村莊
名目明晰開列不得籠統奏報

稽查災民事例

一州縣所轄災民結伴出境為隣屬送回者記過一次甫經送回未能安撫仍成羣出境者每起記大過二次外來災民過境未及查出截留者每起記過一次本境匪徒冒災遠出滋事者每起記大過一次隣省隣屬冒災匪徒在境未能拏辦者每起記過一次護送災民人少中途失散者每起記過一次災民多不按定三十名為一起資送致令逃失者每

起記大過一次記過至八次以上記大過至五次以上均另行嚴參儻湖北下游州縣災民出境過境經江西安徽上游州縣查出咨送者每次記功一次擊護隣省隣境冒災滋事匪徒審擬斬絞遣軍流徒者每起記大功一次記功至八次以上記大功至五次以上俱從優獎勵功過准其相抵前後接算若該州縣所管民人冒災聚眾為害能自行擊究者只准免過毋庸記功

撫卹沖淹事例

失火延燒附

一地方猝被水災該管官確查沖坍房屋淹斃人畜分別撫卹用過銀兩統入田地災案內報銷

一奉天省水沖旗民房屋修費銀全沖者每間參兩尚有木料者每間貳兩尚有上蓋者每間捌錢凡驗給坍房修費以貳人合給壹間銀兩如人口數多所住房少仍按實住間數覈給又淹斃人口埋葬每口給倉米伍石無

家屬者官為驗埋

一直隸省水冲民房修費銀全冲者民房每間壹兩陸錢土草房每間捌錢尚有木料者民房每間壹兩土草房每間伍錢稍有坍塌者民房每間陸錢土草房每間叁錢如民草房全應移建者每間加地基銀伍錢凡驗給坍塌修費每戶仍不得過三間之數又淹斃人口埋葬銀每大口貳兩每小口壹兩

一江蘇省水冲民房修費銀民房每間柒錢伍分草房每間肆錢伍分淹斃人口埋葬銀每大口自伍錢至捌錢為率每小口甯貳錢伍分至肆錢為率

一安徽省水冲民房修費銀極貧之戶瓦房每間肆錢草房每間叁錢次貧之戶瓦房每間叁錢草房每間貳錢淹斃人口埋葬銀每大口壹兩每小口伍錢

一浙江省水冲民房修費銀樓房每間貳兩瓦平房每間壹兩草房每間伍錢草披每間貳

錢伍分淹斃人口埋葬銀每大口貳兩每小口壹兩

一江西省水冲民房修費銀瓦房每間捌錢草房每間伍錢淹斃人口埋葬銀每大口壹兩伍錢每小口捌錢

一福建省水冲民房修費銀瓦房每間伍錢草房及瓦披每間各貳錢伍分草披每間壹錢貳分伍釐淹斃人口埋葬銀每大口壹兩每小口伍錢擊破漂沒民船修費銀大船每隻叁兩中船每隻貳兩小船每隻壹兩生存能工水手量給路費

一山東省水冲民房露宿之時不論極貧次貧又次貧按戶先給搭棚銀伍錢水退後分別驗給修費銀兩極貧每戶壹兩伍錢次貧每戶壹兩又次貧每戶伍錢淹斃人口埋葬銀每大口壹兩每小口伍錢

一山西省水冲民房修費銀全坍者瓦房每間壹兩貳錢土房每間捌錢半坍者瓦房每間

伍錢土房每間肆錢淹斃人口埋葬銀每大口壹兩每小口伍錢

一河南省水冲民房修費銀瓦房每間壹兩草房每間伍錢淹斃人口埋葬銀每大口壹兩每小口伍錢

一湖北湖南二省水冲民房修費銀瓦房每間伍錢草房每間叁錢淹斃人口埋葬銀每大口壹兩每小口伍錢

一陝西省水冲民房修費銀全冲者瓦房每間貳兩草房每間壹兩未全冲者半給淹斃人口埋葬銀每大口貳兩每小口壹兩淹斃牲畜無論數目每戶給銀伍錢

一甘肅省水冲民房修費銀冲沒無存者每間壹兩泡倒者每間伍錢淹斃人口埋葬銀每大口貳兩每小口壹兩冲斃牲畜每戶給銀伍錢

一四川省水冲民房修費銀冲沒者瓦房每間貳兩草房每間壹兩坍塌者瓦房每間壹兩

草房每間伍錢凡被沖瓦草房竹木尙存者
每間修費銀自壹錢至伍錢爲率按情形輕
重核給淹斃人口埋葬銀每大口貳兩每小
口壹兩

一廣東省水冲民房修費銀大瓦房全倒者每
間壹兩半倒者每間伍錢小瓦房大草房大
茅草房全倒者每間伍錢半倒者每間貳錢
伍分小草房小茅草房全倒者每間貳錢伍
分半倒者每間壹錢貳分伍釐吹揭瓦房每

間壹錢擊破漂沒民船修費銀大船每隻壹
兩小船每隻叁錢淹斃人口埋葬銀每大口
貳兩每小口壹兩壓傷人口撫卹銀每口叁
錢

一廣西省水冲民房修費銀瓦房每間銀捌錢
米伍斗草房每間銀伍錢米伍斗淹斃人口
埋葬銀每口壹兩冲壞水車修費銀大者每
座肆錢中者每座叁錢小者每座貳錢冲壞
堰壩修費銀每座自陸兩至拾兩爲率按情

形輕重核給

一雲南省水冲民房修費銀瓦房每間壹兩伍錢草房每間壹兩捌牆修費銀每堵貳錢淹斃人口埋葬銀每口壹兩五錢

一貴州省水冲民房修費銀瓦房每間捌錢草房每間伍錢淹斃人口埋葬銀每大口貳兩每小口壹兩

一民間失火延燒房屋地方官確勘情形酌加撫卹所需銀兩於存公項下支銷

督捕蝗蝻事例

一直省濱臨湖河低窪之處須防蝻子化生該督撫嚴飭所屬每年於二三月早爲防範實力搜查一有蝻種萌動卽多撥兵役人夫及時撲捕或掘地取種或於水涸草枯之時縱火焚燒各該州縣據實稟報該督撫具奏倘有心諱飾不早撲除以致長翅飛騰者一經發覺重治其罪

一地方遇有蝗蝻一面通報土司一面徑移隣

封州縣星馳協捕其通報文內卽將有蝗鄉
村隣近某州縣業經移文協捕之處逐一聲
明仍將隣封官到境日期續報上司查核若
隣封官推諉遷延嚴叅議處

一地方督捕蝗蝻凡人夫聚集處所踐傷田禾
該地方官查明所損確數核給價值據實報
銷

一地方遇有蝗蝻州縣官輕騎滅從督率佐雜
等官處處親到偕民撲捕隨地住宿寺廟不
得派民供應州縣報有蝗蝻該上司躬親督
捕夫馬不得派自民間如違例滋擾跟役需
索藉端科派者該管督撫嚴查從重治罪

一地方官撲捕蝗蝻需用民夫不得委之胥役
地保科派擾累倘農民畏向他處撲捕有妨
農務勾通地甲胥役囑託賣放及貧民希圖
捕蝗得價私匿蝻種聽其滋生延害者均按
律嚴叅治罪

一換易收買蝗蝻及捕蝗兵役人夫酌給飯食

俱准動支公項合同城教職佐雜等官會同
地方官給發開報該管上司核實報銷其有
所費無多地方官自行給辦實能去害利稼
者該督撫據實奏請議敘其已動公項仍致

滋害傷稼者奏請著賠
直隸省捕蝗人夫分
別大口每名給錢拾

文米壹升小口每名給錢伍文米伍合每錢
壹千每米壹石俱作銀壹兩長蘆所屬鹽場

地方雇夫撲捕壯丁日給米壹升幼日給
米伍合又老幼男婦自行捕蝻壹斗給米伍

升江蘇省捕蝗雇募人夫每名日給倉米
壹升每處每日所集人夫不得過五百名收

買蝗蝻每斗給錢貳拾文挖掘蝻種每升給
錢壹拾文安徽省捕蝗雇募人夫每夫壹

名日給米壹升每處每日最多者不得過五
百名挖掘未出土蝻子每斗給銀伍錢已出
土跳躍成形者每斗給錢貳拾文長翅飛騰
者每斗給錢肆拾文每草壹束價銀伍釐每
柴壹束價銀壹分每日每處柴不
得過壹百束草不得過貳百束

